

## ***BEBA U KUĆI I VAŠ PORODIČNI PAS***

### ***Priprema vašeg psa za dolazak novog člana porodice***

1. Kada beba dolazi u kuću morate biti apsolutno sigurni u stabilnost karaktera vašeg psa i uvjeriti se daje prethodno usvojio pravila dobrog ponašanja
2. Ukoliko vaš pas ima bilo kakve probleme u ponašanju potrudite se da ih ispravite prije nego što beba dođe kući! Angažujte trenera!
3. Na vrijeme sprovedite tretman protiv crijevnih parazita i vakcinaciju!
4. Naviknite psa na činjenicu da će sada mnogo manje biti predmet vašeg interesovanja, nego što je to bio ranije! Počnite na kraće vremenske periode da ga ostavljate samog, zatim vrlo obazrivo počnite da ignorišete neke zahtjeve vašeg ljubimca!
5. Naviknite psa da mu je zabranjeno da ulazi u sobu u kojoj će boraviti beba!
6. Naučite ga da napravi razliku između igračaka koje su njegove i onih koje pripadaju bebi!
7. Bilo bi dobro da psu puštate snimak bebinog plača i oglašavanja. Na ovaj način se pas vremenom navikne na ovaj zvuk koji mu je ranije bio potpuno nepoznat.

*Nekoliko savjeta koji će vam biti od koristi prije nego što beba dođe u vaš dom:*

- Pokušajte da ne pravite veliki „spektakl“ u očima vašeg psa kada beba dođe kući. Postepeno naučite vašeg psa kako da pride bebi!
- Obavezno nagradite psa kada se ponaša primjereno u prisustvu vaše bebe!
- Nikada bebu nemojte ostavljati samu sa psom!
- Kada primjetite da je pas krenuo prema bebi, ne pravite nagle pokrete i ne vičite. Smirenim tonom pristupite psu!